

Մ աշտոցի Ա րձագանգ

Հայաստանեայց Եկեղեցույ Սուրբ Յակոբ Կիրակնօրեայ Դպրոցի ամսաթերթ
Մարտ 2010 (ԺԷ տարի թիվ 7)

www.sourphagop.org/mashdots

Այս թիւով...

Խմբագրական՝

Ինչո՞ւ Մեծ Պահքը Էջ 2

Մարտ ամսուան բացատրական
բառարան:

Էջ 3-6

Միջինք,
Արեւագալ եւ Հսկում,
Մեծ Պահք,
Մեծ Պահքի Կիրակիները,
Ծոմապահութիւն՝ Աստուածաշունչէն,
Տասը կոյսերուն առակը
Սերաստիոյ քառասուն
երիտասարդ զինուորները

Յիսուս չորս ձկնորսներ կը կանչէ Էջ 7

Ոչ ոք գիտէ օրը եւ ժամը Էջ 8

Ճշմարիտ Երանութիւնը Էջ 9

Եկեղեցական բառարան: Էջ 10

Չար, Չորրորդապետ,
Պատեք,
Ջրօրհներ,
Ռեհան

Եզակի գիրեր: Էջ 11

Ո՞րն է ճիշդ պատասխանը: Էջ 12-15

Վարդանանք եւ Բուն Բարեկենդան
Կիրակնօրեայ Դպրոցէն ներս Էջ 16



Պ... Պահք

Խաչքարի հեղինակ՝
Ժողովրդական վարպետ,
ՌՈՒԲԵՆ ՆԱԼԲԱՆԴՅԱՆ

Ամսուան Համարը

Յիսուս պատասխանեց. – Օրէնքի գիրքին մէջ գրուած է. «Մարդ միայն հացով չ'ապրիր այլ բոլոր այն խօսքերով, որ Աստուած խօսած է»:

Մատթէոս 4.4

Հաւատք

Կրօն

Եկեղեցի

Լեզու

Մշակույթ

Խմբագրական՝

Ինչո՞ւ Մեծ Պահիրը

Մեծ Պահիրը մեր եկեղեցիէն ներս սննդականոցային կամ առողջապահական մտահոգութիւններով չէ հաստատուած: Ան հաստատուած է Քրիստոսի օրինակի հետեւողութեամբ, երբ ան իր քարոզչութիւնը սկսելէ առաջ քառասուն օրեր շարունակ մեկուսացաւ անապատին մէջ, ինքզինք կերակուրէ զրկեց եւ աղօթքով ապրեցաւ, հոգեպէս զօրանալու համար: Քրիստոսի հետեւողութեամբ ուրեմն պէտք է գիտնալ եւ գիտակցիլ որ պահիրը ամէնէն առաջ հոգեւոր վերանորոգութեան իւրայատուկ առիթ մըն է որ անպայման հոգեւոր կեանքը ազնուացնելու պէտք է ծառայէ:

Իսկ ի՞նչ ձեւերով կարելի է Պահիրը հոգեպէս ապրիլ որպէսզի Քրիստոսի օրինակին հետեւած ըլլանք, այսինքն ոչ միայն հացով ապրինք այլ նաեւ Աստուծոյ բոլոր խօսքերով:

Ինքնամփոփում

Պահիրի ընթացքին մարդ պէտք է մերթ ընդ մերթ առանձնանայ, առանձնութեան մէջ ինքն իր հետ խօսելու համար, ինքզինք քննելու, հասկնալու, դատելու համար եւ իր խղճին հետ խօսակից դառնալու համար: Աւելի դժուար է ինքզինք դատել քան ուրիշը որ այս վարժութիւնը կատարողն ու յաջողողը անկասկած դուրս կու գայ զօրացած ու կեանքը դիմագրաւելու յաւելեալ տոկունութեամբ: Այս կատարելով, մենք կը ծանօթանանք մեր տկարութիւններուն եւ թերութիւններուն եւ ինքնաճանաչումը կը դառնայ մեր ամենամեծ ոյժը:

Աղօթք

Պահիրի ընթացքին մարդ պարտի ստեղծել առիթներ հաղորդակցելու Աստուծոյ հետ, խօսելու Անոր հետ, խոստովանելու համար իր ցաւերն ու մեղքերը, խորհուրդ խնդրելու համար Անկէ: Մէկ խօսքով մարդ աղօթելու է պահիրի ընթացքին Աստուծոյ մօտ ըլլալու համար:

Առաքինութիւն

Պահիրի ընթացքին մեղք պիտի ըլլայ որեւէ ձեւով անառակ ըլլալ կամ անբարիշտ: Ի՞նչ իմաստ ունի ինքզինք որոշ ուտեստեղէններէ զրկելը եթէ նոյն ատեն կեղծաւորութիւն ընենք, սուտ խօսինք, խոստում չարգենք, անարդար ըլլանք մեր շուրջիներուն հանդէպ, չարախօսութիւն ընենք: Առաքինի կենցաղ որդեգրելը հրամայական է Մեծ Պահիրի շրջանին:

«Մաշտոցի Արձագանգ»
Հայաստանեայց Եկեղեցոյ Սուրբ Յակոբ Կիրակնօրեայ Դպրոցի ամսաթերթ
Հայաստանեայց Եկեղեցոյ Սուրբ Յակոբ Կիրակնօրեայ Դպրոցի կամաւոր խմբակը
Թամար Գիզիրեան, Վերժին Գիւլթանճեան, Յասմիկ Նաճարեան, Գարու Մանուկեան,
Շողիկ Նաճարեան, Յասմիկ Գանաճեան, Շաղիկ Պոյաճեան, Թորոս Պապիկեան

Մարտ ամսուան բացատրական տօնացոյց

- Շբթ. 6 Ս. Յովհաննէս Երուսաղնացի, Յովհաննէս Օձնեցի, Յովհաննէս Որոտնեցի, Գրիգոր Տաթևացի
- Կիր. 7 Տնտեսին (Մեծ Պահքի Դ. Կիրակի)
- Դ2. 10 Միջինք Մեծի Պահոց
- Շբթ. 13 Սրբոցն Քառասնից Մանկանցն Սեբաստիոյ
- Կիր. 14 Դատաւորի (Մեծ Պահքի Ե. Կիրակի)
- Շբթ. 20 Ս. Գրիգոր Լուսաւորիչ (Մուտն ի Վիրապ)
- Կիր. 21 Գալստեան (Մեծ Պահքի Զ. Կիրակի)
- Շբթ. 27 Յիշատակ Ղազարոսի Յարութեան
- Կիր. 28 ԾԱՂԿԱԶԱՐԴ
- Բ2. 29 Աւագ Երկուշաբթի՝
Յիշատակ Արարչագործութեան
- Գ2. 30 Աւագ Երեքշաբթի՝
Տասն Կուսանաց
- Դ2. 31 Աւագ Շորեքշաբթի՝
Յիշատակ Մատնութեան

Միջինք
 Մեծ պահքի ճիշդ կէտը յատկանշող օրը՝ որ միշտ Չորեքշաբթի կ'ըլլայ, կը կոչուի Միջինք: Այս օրը երկարատեւ պահքի շրջանին կէտը նուաճած ըլլալու աւետումն է ու խնդութեան առիթ կը նկատուի: Սեղաններ կը սարքուին պահքի յատուկ ուտելիքներով:

Հին ասանդութիւն էր որ Միջինքի օրը տուներէն ներս պատրաստուէր բաղարջ կոչուած հաց մը որուն մէջ կը պահուէր մանր երկաթեայ դրամ մը: Երբ տեղի կ'ունենար ընտանեկան հաւաքոյթ, հացը մաս առ մաս կը բաժնուէր եւ բոլորին ուշադրութիւնը կը կեդրոնանար գտնելու համար տարուան այն բախտաւոր անձը որուն հացի բաժնին մէջէն պիտի ելլէր երկաթեայ դրամը:

Արեւագալ եւ հսկում
 Մեծ պահքի շրջանին, Հայաստանեայց առաքելական եկեղեցին իր հաւատացեալներուն կը հրամայէ աղօթքի եւ ինքնամփոփման խորհրդաւոր արարողութիւններ:

Այս արարողութիւնները կը կրեն Արեւագալ անունը երբ կը կատարուին Արեւածագին, ինչպէս անունը ցոյց կու տայ, եւ Հսկում երբ կը կատարուին երեկոյեան ժամերուն:

Արեւագալը գրեթէ ամբողջութեամբ լոյսի փառաբանութիւն մըն է: Այս իրողութեան ողջ փաստերէն են Ներսէս Շնորհալիի հեղինակութեամբ շարականները որոնք կու գան ճոխացնելու, բացառիկ իմաստ եւ գեղեցկութիւն տալով անոնց, Արեւագալի արարողութիւնները: Այս շարականներէն մէկը հետեւեալ տողերը կը պարունակէ, որոնք, ինչպէս պիտի տեսնենք, իսկապէս ալ լոյսի փառաբանութիւն են. -

«Յարեւելից մինչ ի մուտ. ի հիւսիսոյ եւ ի հարաւոյ. ամենայն ազգ եւ ազինք, յօրհնութիւն նոր օրհնեցէք զարարիչն արարածոց, որ ծագեաց զլոյս արեգականն այսօր աշխարհս:»

«Արեւելքէն մինչեւ Արեւմուտք, Հիւսիսէն Հարաւ, աշխարհի ազգեր եւ ցեղեր, փառք տուէք արարածներու արարիչին, որ այսօր աշխարհի վրայ ծագեցուց արեգակի լոյսը:»

Մեծ Պահք

Մեծ Պահքի բոլոր կիրակիներուն բոլոր եկեղեցիներուն մէջ կը կարդացուին անտարանական առակներ, որոնք հրաւերներ են որ մարդիկ հեռանան իրենց մեղքերէն, մաքրուին եւ պատրաստ ըլլան սուրբ տօնին:

Ծոմապահութիւն՝ Հիմնուած Աստուածաշունչին վրայ
 «Յետոյ Յիսուս Սուրբ Հոգիին կողմէ տարուեցաւ անապատ՝ Սատանայէն փորձուելու համար: Քառասուն օր եւ քառասուն գիշեր ծոմապահութեամբ անցնելէ ետք՝ անօթեցաւ:
 Այն ատեն փորձիչը՝ սատանան, մօտեցաւ իրեն եւ ըսաւ.
 - Եթէ Աստուծոյ Որդի ես, ըսէ՛ որ այս քարերը հաց դառնան:
 Յիսուս պատասխանեց.
 - Օրէնքի գիրքին մէջ գրուած է. «Մարդ միայն հացով չ'ապրիր, այլ բոլոր այն խօսքերով, որ Աստուած խօսած է»: Մատթէոս 4.1-4
 «Երբ ծոմ կը պահէք, տրտումներս մի՛ ըլլաք կեղծաւորներուն նման, որոնք իրենց երեսը կը կախեն, որպէսզի մարդոց ցոյց տան թէ ծոմ կը պահեն: Վստահ եղէք միայն աստիկա է անոնց վարձատրութիւնը: Ընդհակառակը, երբ դուն ծոմ կը պահես, օժէ՛ գլուխդ եւ լուա՛ երեսդ, որպէսզի մարդիկ չտեսնեն թէ ծոմ կը պահես, այլ՝ միայն Հայրը, որ անտեսանելի է. եւ Հայրդ, որ կը տեսնէ կատարածդ, քեզ պիտի վարձատրէ յայտնապէս:»
 Մատթէոս 6.16-18
 «Առիթով մը Յովհաննէսի աշակերտները մօտեցան Յիսուսի եւ ըսին.
 -Ինչո՞ւ մենք եւ Փարիսեցիները յաճախ ծոմ կը պահենք, իսկ քու աշակերտներդ չեն պահեր:
 Յիսուս անոնց պատասխանեց.
 - Կարելի՞ է հարսանիքի հրաւիրեալներուն ըսել որ սուգ պահեն, երբ տակաւին փեսան իրենց հետ է: Ժամանակ պիտի գայ, երբ փեսան պիտի վերցուի իրենցմէ, եւ այն ատեն իրենք ալ ծոմ պիտի պահեն:»
 Մատթէոս 9.14-15

Մեծ Պահքի Կիրակիները
 Մեծ Պահքը ունի 7 կիրակիներ, որոնք յատուկ եւ իմաստալից անուններ ունին. Անցեալ թիով ներկայացուցինք առաջին երեքը, եւ այս թիով կ'ամբողջացնենք մնացեալը.-

Դ. Տնտեսին.
 Անառակին Կիրակիին կը յաջորդէ Տնտեսի Կիրակին որ դարձեալ Յիսուսի խօսած առակներէն մէկէն կը ստանայ իր անունը: Այս առակը կը կարդանք Ղուկաս 16.1-13: Միջինքը տեղի կ'ունենայ այս Կիրակիին յաջորդող Չորեքշաբթին:

Ե. Դատաւորի.
 Դարձեալ Յիսուսի խօսած առակներէն մէկէն կը ստանայ իր անունը որ իրականութեան մէջ դատաւորի մը եւ յարատեւող այրիին առակն է, որ կրնանք կարդալ Ղուկաս 18.1-8 ին մէջ:

Զ. Գալստեան
 Այս կիրակի օրուան շարականը Քրիստոսի աշխարհի գալուն խորհուրդը կը բացատրէ: Այդ օրուան անտարանական ընթերցումին վերջին համարը՝ Մատթէոս 23.39 Քրիստոսի Գալստեան կ'ակնարկէ:

Է. Ծաղկազարդ
 Այսպէս կը կոչուի Քրիստոսի փառաւոր մուտքը Երուսաղէմ իր խաչելութիւնն ու յարութիւնը կանխող Մէկշաբթի օրը: Այդ օր մանուկներ եկեղեցի կ'երթան զարդարուած մոմերով ու կը մասնակցին թափօրին:

Տասը կոյսերուն առակը

Ջատիկը նախորդող Աւագ շաբթուան երեքշաբթի օրը՝ Յիսուս իր աշակերտներուն տուաւ Տասը կոյսերու առակը, որ կը կարդանք Մատթէոս 25.1-13:

«Տասը կոյսեր կային, որոնք իրենց լապտերները առած՝ փեսան դիմաւորելու ելան: Անոնցմէ հինգը յիմար էին, իսկ միւս հինգը՝ իմաստուն: Յիմարները առին իրենց լապտերները, բայց իրենց հետ պահեստի ձէթ չառին, մինչդեռ իմաստունները իրենց լապտերներուն հետ սրուակով ձէթ առին: Եւ երբ փեսան ուշացաւ գալու, բոլորն ալ թմրեցան ու քնացան:

Կէս գիշերին կանչ մը լսուեցաւ. «Ահա փեսան կու գայ, գայն դիմաւորելու եկէք»: Կոյսերը արթնցան եւ սկսան իրենց լապտերները կարգին դնել: Յիմար կոյսերը իմաստուններուն ըսին. «Ձեր ձէթէն քիչ մը մեզի տուէք, որովհետեւ մեր լապտերները ահա կը մարին»: Իմաստուն կոյսերը պատասխանեցին. «Ո՛չ, որովհետեւ կրնայ ըլլալ որ մեզի եւ ձեր չքաւաւելի լաւ կ'ըլլայ որ երթաք խանութպաններուն եւ ձեր համար ձէթ գնէք»:

Երբ անոնք ձէթ գնելու գացին, փեսան եկաւ, եւ պատրաստ եղողները փեսային հետ հարսանիքի մտան, եւ դուռը գոցուեցաւ: Քիչ ետք եկան միւս կոյսերը եւ ըսին. «Տէ՛ր, Տէ՛ր,

դուռը բա՛ց մեզի»: Փեսան պատասխանեց. «Իսկապէս որ չեմ ճանչնար ձեզ»:


Ապա Յիսուս եզրակացուց.

–Ուրեմն, արթո՛ւն մնացէք, որովհետեւ չէք գիտեր Մարդու Որդիին գալուն ո՛չ օրը եւ ո՛չ ալ ժամը:»

Իր բոլոր առակներուն պէս, Յիսուս այս առակը եւս օգտագործեց խորհրդանիշներու միջոցաւ իր աշակերտներուն փոխանցելու խորհուրդ մը:

Իրապէս ալ, տասը կոյսերը կը խորհրդանշեն ամբողջ մարդկութիւնը, բոլոր մարդերը: Լապտերներու ձէթը ողորմութիւնն ու մարդասիրութիւնն են: Մեզմէ ոմանք ունին այս երկու առաքինութիւնները, ուրիշներ՝ ոչ, ճիշդ այնպէս ինչպէս կոյսերէն ոմանք ունէին աւելորդ ձէթ, իսկ միւսները՝ ոչ:

Կոյսերուն քուն անցնիլը մարդուն մահուան կը համապատասխանէ, իսկ փեսային գալուստը՝ գերեզմանէն վեր ելլելն ու յարութիւն առնելը: Իմաստուն կոյսերը որոնք պահածոյ ձէթ ունենալուն շնորհիւ ընկերակցեցան փեսային, աշխարհի վրայ այն արարածներն են որոնք իրենց հոգիներէն ներս տեղ տուած են ողորմութեան, մարդասիրութեան եւ որոնք իրենց կեանքը նուիրած են բարի գործին: Անոնք են միայն որ յարութիւն պիտի առնեն:



Սեբաստիոյ քառասուն երիտասարդ զինուորները

Հայաստանեայց եկեղեցին, Այս Մարտ 13-ին կը յիշատակէ քառասուն մանկանց տօնը: Մանուկ բառը հոս գործածուած է «երիտասարդ» իմաստով եւ կը վերաբերի Սեբաստիոյ հպատակ քառասուն երիտասարդներու, որոնք հռոմէական բանակին կը ծառայէին բայց որոնք գաղտնապէս քրիստոնեայ էին: Բոլորիս ծանօթ է թէ ինչպէս անոնք գաղտնաբար ապրեցան իրենց քրիստոնեայ կրօնը եւ կառչած մնալով իրենց հաւատքին, հռոմէացի Լիկիանոս կայսրի հրամանով ենթարկուեցան մահապատիժի:

Սեբաստիան, որ հետագային կոչուեցաւ Սվազ, պատմական Հայաստանի ծայրագոյն արեւմտեան շրջանն է: Ան կեդրոնը կը նկատուի Փոքր Հայքին, ուր հայեր հաստատուած են հին պատմական շրջաններէն ի վեր:

Սեբաստիոյ մէջ քրիստոնէութիւնը ծաւալած է Քրիստոսէ ետք առաջին դարէն սկսեալ ու ըստ աւանդութեան, ամենէն հին եկեղեցիներէն մէկը հոն հաստատուած է Թադէոս առաքեալի ձեռքով:



301 թուին, քրիստոնէութիւնը հռչակուեցաւ իբր պետական կրօն Տրդատ թագաւորի օրով եւ 314-ին, թագաւորին հրամանով, Սուրբ Գրիգոր Լուսաւորիչ ղրկուեցաւ Կեսարիա, եպիսկոպոս ձեռնադրուելու: Կեսարիայէն վերադարձին, Լուսաւորիչը կանգ առած է Սեբաստիա: Սեբաստիոյ հայ հաւատացեալները կը խնդրեն իրմէ որ աւելի երկար ժամանակ մնայ հոն բայց ան միայն վեց օրեր կրնայ անցնել Սեբաստիոյ մէջ: Սակայն հոնկէ կը մեկնի իր հետ տանելով բազմաթիւ թեկնածուներ եկեղեցական կազմաւորում ստանալու եւ կրօնաւորներ դառնալու նպատակով: Այս շրջանին է նաեւ որ կը պատահի քառասուն մանուկներու նահատակութիւնը:



Սվազի նշանաւոր եւ գունագեղ ասեղնագործ

Յիսուս չորս ձկնորսներ կը կանչէ
Մատթէոս 4:18-22

Երկու եղբայրներ ուռկանը ջուրը կը նետէին ձուկ որսալու համար:
Ուրիշ երկու եղբայրներ ալ իրենց հօր Զեբեդիոսի հետ նաւակին մէջ էին եւ
իրենց ուռկանները կարգի կը դնէին:



Անոնք ձգեցին ուռկանները, նաւակը եւ հետեւեցան Յիսուսի:

Գտիր Յիսուսի առաջին աշակերտներուն անունները վարի կտորները կտրելով
եւ յարմարցնելով ուռկանին մէջ:



Ոչ ոք գիտէ օրը կամ ժամը
Մատթէոս 24:36-44

Ոչ ոք գիտէ թէ երբ պիտի գայ այդ օրը կամ ժամը. Ոչ երկինքի հրեշտակները, ոչ ալ Որդին, բայց միայն Հայրը:
Պսակի թուագրուած տերեւներու բառերը կարգով գրէ եւ տես թէ ինչ պէտք է ընել:



Ճշմարիտ երանութիւնը
Ղուկաս 11:27-28

Գտիր եւ գրէ ոսկեհամարը:

Ներկէ երկրորդ քառանկիւնին այն բոլոր գիրերը որոնց թիւերը կը տեսնես առաջին քառանկիւնին մէջ:

Մնացած գիրերը ընդօրինակէ էջին վարը:

1 -

1	2	8	9	10	17	18	24	33	34	40
41	42	43	46	47	52	53	54	55	56	59
60	61	62	65	66	67	68	69	70	80	81

2 -

1	2	3	4	5	6	7	8	9	10	11
ա	բ	ե	ր	ա	ն	ի	դ	ե	գ	ն
12	13	14	15	16	17	18	19	20	21	22
ա	ն	ն	ն	գ	օ	տ	ն	ր	ն	ն
23	24	25	26	27	28	29	30	31	32	33
ք	ի	Ա	ս	տ	ն	ւ	ծ	ն	յ	ա
34	35	36	37	38	39	40	41	42	43	44
ս	իւ	օ	ս	ք	ը	ե	զ	է	կ	կ
45	46	47	48	49	50	51	52	53	54	55
ը	ձ	ա	լ	ս	ե	ն	ի	ր	է	ն
56	57	58	59	60	61	62	63	64	65	66
ա	ե	ւ	մ	ե	ճ	ա	կ	ը	ք	օ
67	68	69	70	71	72	73	74	75	76	77
փ	թ	դ	ե	գ	ն	ր	ծ	ա	դ	ր
78	79	80	81	82	83	84	85	*	*	*
ե	ն	գ	ժ	զ	ա	յ	ն			

Ոսկեհամարը՝

----- , -----

 ----- :

Եկեղեցական բառարան

Զ

Երբ գլխագիրով կը գրուի՝ «**ԶԱՐ**»ը Սատանային տրուած յատուկ կոչում մըն է, ինչպէս օրինակ Տէրունական աղօթքին մէջ:

ԶՈՐՐՈՐԴԱՊԵՏ կը նշանակէ՝ երկրի մը մէկ չորրորդ մասին վրայ իշխող: Յիսուսի ժամանակներուն Պաղեստինը չորս գլխաւոր նահանգներու բաժնուած էր, եւ անոնց վրայ կարգուած թագաւորները **ԶՈՐՐՈՐԴԱՊԵՏ** կը կոչուէին:

Պ

ՊԱՍԵՔ (Երրայերէն Փեսախ) Զատիկի տօնին Եբր. անունը, որ կը նշանակէ անցքը, անցնիլը: Ասիկա Հրէական ամենէն կարեւոր տօնն էր, որ կը կատարուէր հրէական Նիսան ամսուն 14-ին: Յիշատակն էր Հրեայ ժողովուրդին Եգիպտոսէն ազատագրութեան: Յիսուսի ժամանակ տօնը կը կատարուէր Երուսաղէմի մէջ, իսկ տօնին ամենէն յատկանշական երեւոյթը՝ զատկական գառնուկին մորթուիլն էր:

Յիսուսի վերջին ընթրիքը իր աշակերտներուն հետ՝ զատկական այս ընթրիքն էր, որուն նոր նշանակութիւն մը տուաւ Քրիստոս: Յովհաննէսի Աւետարանը եւ առաքելական նամակները Յիսուսի մահը կը համեմատեն զատկական գառնուկին մորթուելուն հետ:

ԶՐՕՐՀՆԷՔ

ԶՐՕՐՀՆԷՔ արարողութիւնը հաստատուած է ի յիշատակ Քրիստոսի մկրտութեան: Ան կը կատարուի Աստուածայայտնութեան տօնին: Հին ժամանակ **ԶՐՕՐՀՆԷՔ**ը կը կատարուէր գետերու կամ լիճերու ափին, իսկ այժմ՝ եկեղեցոյ: Պատարագի աարտին քահանան յատուկ ընթերցուածքներով, քարոզի եւ աղօթքէ ետք, խաչով կ'օրհնէ մեծ ամանի մէջ լեցուած ջուրը, որ կը բաժնուի հաւատացեալներուն՝ իբրեւ սրբութեան խորհրդանիշ եւ բժշկութեան միջոց:

ՌԵՀԱՆԸ

ՌԵՀԱՆԸ Ծանօթ բոյս մըն է անուշահոտ տերեւներով, տեսակ մը փոքր ու տեսակ մը մեծկակ տերեւներով, որ յատկապէս կը գործածուի Խաչվերացի երեկոյցին խաչափայտը զարդարելու:



ՌԵՀԱՆ

Ո՞րն է ճիշդ պատասխանը Փետրուար ամսուան պատասխանները

Մանկապարտեզի անկիւն

Տիրոջ, նուիրուի, տատրակ, աղանիի, Սիմոն, Սուրբ Հոգին, Օծեալը, Յիսուսը, գոհաբանեց

Նախակրթարան Ա. Բ. Գ.անկիւն

1. գ. 40
2. դ. 451
3. բ. Թէոդորոս
4. գ. Տեառնընդատաջ
5. Բուն Բարեկենդան
6. գ. Ս. Ղեւոնդեանց քահանայից
7. բ. Բարի Կեանք
8. Մեծ Պահք
9. Նոր Կիրակի
10. Կրկնազատիկ

Նախակրթարան Դ. Ե. Զ.անկիւն

1. գ. 40
2. գ. 14, Տեառնընդատաջ
3. Շապիկ
4. Բուն Բարեկենդան

5. Ս. Սահակ Պարթեւ
6. ա. Վարդանանցի յաջորդող Երկուշաբթին բ. Բուն Բարեկենդանից յաջորդող Երկուշաբթին
7. Ս. Ներսէս Շնորհալի
8. Ս. Թադէոս Առաքեալին
9. տասներկու
10. Անառակին

Երկրորդականի անկիւն

1. Քաղկեդոն
2. Նուարսակ
3. 14
4. Առաջատրաց
5. Առաջատրաց Պահքի առաջին չորս օրերը:
6. Ս. Յովնան մարգարէ
7. 381
8. քառասուն
9. Աւետարանն, Եկեղեցի
10. Անառակին

Եզակի գիրեր
Հայերէն գիրերով Sudoku

										ա						բ	է	ե	
		զ	գ								զ	գ			բ		թ		
ա	է	թ	զ	ա	ը	բ	դ	ե				ա	թ						
ը	գ	բ	ա	դ	ե	է	թ	զ		դ		զ	զ	ը					բ
է	զ	ը	թ	ե	դ	ա	գ	բ				ա	զ	է		ե			
թ	բ	զ	ը	ա	է	զ	ե	դ		թ				բ	դ	է			զ
ե	դ	ա	բ	զ	զ	թ	ը	է											
զ	ը	է	ե	թ	բ	դ	զ	ա			բ	զ				դ			
բ	ա	դ	զ	ը	զ	ե	է	թ			թ			ե		զ	ը		
զ	թ	ե	դ	է	ա	զ	բ	ը		ը	դ	ե							ա

Նախորդ «Եզակի գիրեր» ուն լուծումը

Ամբողջացուր քառակուսիները գործածելով ա, բ, գ, դ, ե, զ, է, ը, թ գիրերը պայմանաւ որ միայն մէկ անգամ գործածես իւրաքանչիւր գիր իւրաքանչիւր՝

- հորիզոնական գիծի վրայ,
- ուղղահայեաց գիծի վրայ եւ
- ինեակ քառակուսիի մէջ

**Ո՞րն է ճիշդ պատասխանը
Մանկապարտեզի անկիւն**



**Յիսուսի յաղթական մուտքը Երուսաղէմ
«Այս տարի Ծաղկազարդը Մարտ -- ին է:»**

Ամբողջացո՛ւր ըստ Յովհաննէս 12.12- 15

Ջատիկի, Երուսաղէմ, Յիսուս, արմատենիի, Ովսաննա՛, Տիրոջ, Սուրբ, աւանակի

Յաջորդ օրը, ժողովուրդի մեծ բազմութիւն մը, որ ----- տօնին առիթով ----- եկած էր, երբ լսեց թէ ----- Երուսաղէմ կու գայ, ----- ճիւղեր առաւ եւ Յիսուսը դիմաւորելու ելաւ, բարձրաձայն աղաղակելով.

«-----, օրհնեա՛լ ըլլայ ան՝ որ կու գայ ----- անունով, Իսրայէլի թագաւորը»

Յիսուս էջ մը գտնելով՝ նստաւ անոր վրայ, ինչպէս որ ----- գիրքերուն մէջ գրուած է.-

«Մի՛ վախճար, ո՛վ Երուսաղէմ, Սիոնի՛ աղջիկ. ահա թագաւորդ քեզի կու գայ իշու մը ----- վրայ նստած»:

Ո՞րն է ճիշդ պատասխանը
Նախակրթարան Ա. Բ. և Գ. դասարաններու անկիւն

Անուն: _____

1.- Մենք այս տարի Մարտ 13ին ի՞նչ կը տօնենք:

բ.- 21
գ.- 24
դ.- 36

ա.- Սուրբ Թեոդորոս Զօրավար

բ.- Միջինք

գ.- Քառասուն Մանկունք Սեբաստիոյ

դ.- Անառակին

6. Միջինքը շաբթուան ո՞ր օրուան կը հանդիպի:

ա.- Երկուշաբթի

բ.- Երեքշաբթի

գ.- Չորեքշաբթի

դ.- Հինգշաբթի

2.- Դատաւորի Կիրակիին կը յաջորդէ ո՞ր Կիրակին:

ա.- Տնտեսի:

բ.- Ծաղկազարդ:

գ.- Գալստեան:

դ.- Միջինք:

7. Հետեւեալ Սուրբին առաջին անուան գիրերը տեղափոխելով՝ գտիր շիտակ անունը:

ոավհննէսՅ Օձնեցի

----- Օձնեցի

3.- Աւագ Երկուշաբթին նախորդող Կիրակին կը կոչուի:

ա.- Անառակին:

բ.- Տնտեսին:

գ.- Դատաւորին:

դ.- Ծաղկազարդ:

8. Հետեւեալ Սուրբին առաջին անուան գիրերը տեղափոխելով՝ գտիր շիտակ անունը:

Գգրրիո Տաթեւացի

----- Տաթեւացի

4.- Հետեւեալ անուան գիրերը տեղափոխելով՝ գտիր շիտակ անունը այն սուրբին որ գրած է «Հաւատով Խոստովանիմ» աղօթքը որ մեծ պահքի հսկումի օրերուն հաւատացեալները կ'աղօթեն:

9. Ամբողջացո՛ւր՝ ըստ Դուկաս 6.31ի:

Ինչ որ կ'ուզէք որ ----- ձեզի ընեն՝ դուք ալ ----- ըրէք անոնց

Ս. սէսրէՆ նորՇլիհա

Ս. -----

10. Քանի՞ հատ էին Իմաստուն կոյսերը:

5.- Քանի՞ համարներէ կը բաղկանայ «Հաւատով Խոստովանիմ»ը

ա.- 12

Ո՞րն է ճիշդ պատասխանը
Նախակրթարան Դ. Ե. եւ Զ. դասարաններու անկիւն

Անուն: _____

1.- Մենք այս տարի Մարտ 6 ին
ո՞ր չորս սուրբերուն յիշատակը պիտի
տօնենք:

- ա.- Յովհաննէս -----
Հայրապետ
- բ.- Յովհաննէս -----
- գ.- Յովհաննէս -----
- դ.- Գրիգոր -----

2.- Գրէ՛ շարքով, Բուն Բարեկեդանին
յաջորդող հինգ Կիրակիներուն
անունները:

- ա.- Արտաքսման
- բ.- -----
- գ.- Տնտեսին
- դ.- -----
- ե.- -----

3.- Տասը Կոյսերուն առակը ո՞ր
աւետարանին կամ աւետարաններուն
մէջ գրուած է:

- ա.- Մատթէոս
- բ.- Մարկոս
- գ.- Ղուկաս
- դ.- Յովհաննէս

4.- Ո՞վ է Զարը:

-ա-ա-ա-

5. Ջրօրհները ո՞ր օրը կ'ըլլայ «երկու
շիտակ պատասխան»:

- ա.- Ծնունդին
- բ.- Զատկուան
- գ.- Աստուածայայտնութեան
- դ.- Ծաղկազարդին

6. Ի՞նչ են այն երեք բաները որոնք
պէտք է ընենք մանաւանդ Մեծ
Պահօրին:

- ա.- Ա-----՝ առանձնապէս եւ
հաւաքաբար
- բ.- Պ---- բ-----՝ ինքնազրկումի
սկզբունքով
- գ.- Բ----- գ-----՝ ծառայութիւններ
մատուցանելով

7. Ո՞րն է Մեծ Պահօրի եօթներորդ
Կիրակին:

-ա-----

8. Խոր վիրապը ո՞ր լերան շատ մօտ
է:

-ր-----

9. Ո՞ր քաղաքէն էին նահատակ
Քառասուն Մանուկները:

աաբեհստՍ

10. Ո՞վ գրած է «Հաւատով
Խոստովանիմ»ը:

Ս. -----

Ո՞րն է ճիշդ պատասխանը
Երկրորդականի անկիւն

Անուն: _____

1.- Հետեւեալներէն Ո՞վ գրած է «Գիրք Հարցմանց» եւ նաեւ կոչուած է «Երկրորդ Լուսաւորիչ» եւ «Վարժապետ Հայոցն»:

- ա.- Յովհաննէս Երուսաղէմի Հայրապետ
- բ.- Յովհաննէս Որոտնեցի
- գ.- Յովհաննէս Օձնեցի
- դ.- Գրիգոր Տաթեւացի

2.- Հետեւեալներէն Ո՞վ եղած է Կաթողիկոս արաբական Խալիֆայութեան ժամանակ:

- ա.- Յովհաննէս Երուսաղէմի Հայրապետ
- բ.- Յովհաննէս Որոտնեցի
- գ.- Յովհաննէս Օձնեցի
- դ.- Գրիգոր Տաթեւացի

3.-Ծարքով Գրէ Անառակի Կիրակիին յաջորդող հինգ Կիրակիներուն անունները:

- ա.- _____
- բ.- _____
- գ.- Գալստեան
- դ.- _____
- ե.- _____

4.- Որո՞ւ աշակերտած է Գրիգոր Տաթեւացին:

5. Միջինքը շաբթուան ո՞ր օրուան կը հանդիպի:

- ա.- Կիրակի
- բ.- Երկուշաբթի
- գ.- Երեքշաբթի
- դ.- Չորեքշաբթի

6. Ի՞նչ են այն երեք բաները որոնք պէտք է ընենք մանաւանդ Մեծ Պահքին:

- ա.- -----՝ առանձնապէս եւ հաւաքաբար
- բ.- -----՝ ինքնազրկումի սկզբունքով
- գ.- -----՝ ծառայութիւններ մատուցանելով

7. Ո՞րն է Մեծ Պահքի առաջին Կիրակին:

8. Այս տարի Միջինքը Մարտի ո՞ր օրուան կը զուգադիպի:

--

9. Մատաղին օրհնութիւնը կը կատարուի

- ա.- Կենդանիին վրայ
- բ.- Աղին վրայ եւ օրհնուած աղը կը տրուի կենդանիին ճաշակելու

10. Աւագ շաբթուան ո՞ր օրը Ծննդոց Գիրքէն կը կարդանք Եկեղեցույ մէջ:

Աւագ -----

Վարդանանք եւ Բուն Բարեկենդան Կիրակնօրեայ Դպրոցէն ներս

Փետրուար 14 Ին Կիրակնօրեայ Դպրոցը տօնեց Վարդանանք եւ Բուն Բարեկենդան, ուր աշակերտները ծափուեցան Հայկական Տարազներով: Աշակերտները պատրաստեցին ձեռային աշխատանքներ, ապա աշակերտներուն նախանշառ տրուեցաւ յիշեցնելու համար իրենց թէ յաջորդ օրը Մեծ Պահիրը կը սկսի:

